

Nguvu ya Kiroho

Kristo akae moyoni mwenu kwa imani mkiwa na shina na msingi katika upendo; ili mpate kufahamu pamoja na watakatifu wote jinsi ulivyo upana, na urefu, na kimo, na kina—Waefeso 3:17, 18.

Tunalazimika kuakisi tabia ya Yesu. Kila mahali, iwe ni kanisani, nyumbani au katika mahusiano ya kijamii na jirani zetu, inatupasa kuruhusu sura nzuri ya Yesu kuonekana. Hatuwezi kufanya hili isipokuwa tumejazwa na utimilifu Wake. Ikiwa tunataka kuhusiana vyema na Yesu, inatupasa kumpenda kwa wema na uzuri Wake na tunapaswa kutamani kusimilishwa kwenye tabia Yake takatifu ili wote wajue kwamba tumekuwa na Yesu na kujifunza kutoka Kwake.

Ni katika kutimiliza maishani mwetu kanuni safi za injili ya Kristo ili tuweze kumheshimu na kumtukiza Baba yetu aliye mbinguni. Tunapofanya hivi, tunaakisi nuru tuliopewa toka Mbinguni dhidi ya giza la ulimwengu karibu nasi. Wenye dhambi watabidishwa kukiri kwamba sisi si watoto wa giza bali wana wa nuru. Je! Watawezaje kujua hili? Kwa matunda tuzaayo. Watu wanaweza kuwa na majina yao katika kitabu cha kanisa; lakini hilo haliwezi kuwafanya kuwa wana wa nuru. Wanaweza kuwa na nafasi za heshima na kupokea sifa za wanadamu; lakini hilo haliwezi kuwafanya kuwa wana wa nuru... Lazima kuwe na kazi ya kina ya neema—upendo wa Mungu moyoni na upendo huu unadhihirishwa kwa utii.

Ni ukaaji wa Yesu rohoni ambao unatoa nguvu za kiroho na kutufanya kuwa mikondo ya nuru. Kadiri tunapokuwa na nuru zaidi ndivyo tutakavyoweza kugawia wengine wanaotuzunguka. Kadiri tunavyoishi karibu zaidi na Yesu, ndivyo tutakavyoweza kupata maoni dhahiri ya uzuri Wake. Kadiri tunavyomwangalia katika usafi Wake, ndivyo tunavyoweza kutambua kwa uwazi zaidi makosa ya tabia yetu. Tunamwonea Yeye shauku na kwa ule utimilifu ambao umo ndani Yake na kung'ara katika ukamilifu wa tabia Yake ya mbinguni; na kwa kumtazama tunabadilishwa tunafanane Naye...

Kila siku tunapanda aina fulani ya mbegu. Ikiwa tutapanda mbegu ya kutokuamini, tutavuna kutokuamini; ikiwa tutapanda kiburi, tutavuna kiburi; ikiwa tumepanda ukaidi, tutavuna ukaidi, “kwa kuwa cho chote apandacho mtu, ndicho atakachovuna”... Mioyo yetu inaweza ikawa imejazwa na utimilifu wote wa Mungu; lakini kuna kitu tunachopaswa kufanya. Tunalazimika kutotomasatomasa makosa na dhambi zetu, bali tuziondoe na kuharakisha kuiweka sawa mioyo yetu. Hili linapokamilika, hebu na tuuchukue ufunguo wa imani na kufungua ghala la Mungu lenye baraka nyingi... Kuna utimilifu usio kikomo wa kuchukua; na tunayo ahadi ya Bwana Mungu wetu, “Kwa kadiri ya imani yenu mpate.” Tutakaposhinda taji ya uzima, mahali katika upande wa kuume wa Mungu na kadiri tunavyoyaingia malango ya lulu, sikia maneno, matamu kuliko muziki wowote, “Vema, mtumwa mwema na mwaminifu; ... ingia katika furaha ya bwana wako” (Mathayo 25:23) (The Signs of the Times, Agosti 18, 1887).